

Javni poziv za dostavljanje ponuda za uslugu izrade online platforme za prezentaciju informacija i rezultata praćenja rada javnih institucija, političkih stranaka i javnih zvaničnika u cilju identifikacije potencijalnih korupcijskih rizika

Udruženje građana i građanki Zašto ne objavljuje:

JAVNI POZIV

za dostavljanje ponuda za uslugu izrade online platforme za prezentaciju informacija i rezultata praćenja rada javnih institucija, političkih stranaka i javnih zvaničnika u cilju identifikacije potencijalnih korupcijskih rizika

Uvodne napomene:

Udruženje građana i građanki „Zašto ne“, u saradnji sa Transparency International u Bosni i Hercegovini i Balkanskom istraživačkom mrežom Bosne i Hercegovine (BIRN BiH), implementira projekat „Accountability Platform“ (Platforma odgovornosti) finansiran od strane Evropske Komisije.

Projekt obuhvata i izradu jedinstvene online platforme koja će biti repozitorijum svih rezultata i unakrsnih podataka o javnim institucijama, političkim strankama i javnim zvaničnicima.

Platforma je prvenstveno fokusirana na identifikaciju korupcijskih rizika u radu javnih institucija, političkih stranaka i javnih zvaničnika promovirajući pri tome institucionalnu, stranačku i individualnu odgovornost prema građanima.

Jedinstvena platforma „odgovorno.st“ će građanima pružiti informacije o nivou integriteta i aktivnostima donosioca odluka, ali će takođe pružiti alate za otkrivanje rizika od korupcije. Kroz ovakav nadzor će držati nosioce javnih funkcija i institucije odgovornima za javnu potrošnju,

ispunjenje njihovih obećanja, podršku reformama protiv korupcije, nivo njihove otvorenosti, finansijsku odgovornost i sve identifikovane nepravilnosti.

Projekat „Platforma odgovornosti“ se temelji na ideji stvaranja koordiniranog i sveobuhvatnog nadzornog mehanizma koji okuplja različite organizacije i alate radi nadzora nad institucijama, nosiocima javnih funkcija i procesima donošenja odluka.

Specifikacija ponude:

Predloženo rješenje treba u što većoj mjeri da odražava okvirnu funkcionalnost opisanu na linku [Tehničke specifikacije](#)

Vremenski period implementacije:

Najduže 60 dana od dana potpisivanja ugovora.

Uslovi za kvalifikaciju ponuđača:

Sposobnost obavljanja profesionalne djelatnosti

Što se tiče sposobnosti za obavljanje profesionalne djelatnosti ponuđači moraju biti registrovani za obavljanje djelatnosti koja je predmet javne nabavke.

U svrhu dokazivanja profesionalne sposobnosti ponuđači/pravna lica trebaju uz ponudu dostaviti ovjerenu kopiju dokumenata o registraciji.

Tehnička i poslovna sposobnost

Uspješno iskustvo u realizaciji najmanje jednog ugovora o pružanju usluga u vezi sa predmetom nabavke ili ugovora koji su po karakteru i kompleksnosti slični uslugama predmetne javne nabavke

U svrhu dokazivanja tehničke i poslovne sposobnosti ponuđači trebaju uz ponudu dostaviti i spisak izvršenih ugovora koji su u vezi s predmetom nabavke – lista uključuje predmet, vrijednosti, datume, naručioce i linkove ka dostupnim predmetima ugovora/proizvodima.

Podaci o ponudi:

Ponuda za pružanje usluge trebalo bi da sadrži dva odvojena dokumenta odvojenim sa vidno naglašenim nazivima: Tehnička ponuda i Finansijska ponuda.

Tehnički dio ponude treba da sadrži:

1. Tačan naziv i adresu pravnog lica, broj telefona, e-mail i web adresu;
2. Kopiju dokumenata o registraciji koja dokazuje da je pravno lice registrovano za obavljanje djelatnosti koja je predmet nabavke;
3. Spisak izvršenih ugovora koji su u vezi sa predmetom nabavke – lista **uključuje predmet, vrijednosti, datume, naručioce i linkove** ka dostupnim predmetima ugovora;

4. Prijedlog rješenja koja će biti korištena u izradi aplikacije, a treba da sadrži minimalno sljedeće:
- Vremenski okvir, odnosno plan implementacije projekta
 - Pregled idejnog rješenja, uz opis funkcionalnosti rješenja u skladu sa traženim funkcionalnostima u prilogu javnog poziva (*Prilog: Tehničke specifikacije – Alat i online platforma za prezentaciju informacija i rezultata praćenja rada vlada, političkih stranaka i javnih zvaničnika u cilju identifikacije potencijalnih korupcijskih rizika*),
 - Dužina trajanja i opseg tehničke podrške (minimalno 2 godine)

Finansijski dio ponude treba da sadrži prijedlog budžeta (odvojiti u budžetu dijelove koji se odnose na razvoj platforme, vizuelnog identiteta, kao i održavanja platforme), kao i obračun svih poreskih obaveza u skladu sa važećom poreskom regulativom. S obzirom da je ovaj projekat finansiran od strane Evropske Komisije, troškovi PDV-a trebaju biti isključeni iz ponude.

Izbor najpovoljnijeg ponuđača će se izvršiti prema sljedećim kriterijumima za ocjenjivanje ponuda:

- prijedlog rješenja 40%
- reference 10% i
- finansijska ponuda 50%.

Rok za dostavljanje ponude je **20.10.2024. do 14:00.**

Ponude se dostavljaju na email adresu info@zastone.ba sa naslovom: **NADMETANJE PO POZIVU za izradu online platforme za prezentaciju informacija i rezultata praćenja rada javnih institucija, političkih stranaka i javnih zvaničnika u cilju identifikacije potencijalnih korupcijskih rizika**

ili

na adresu: **UG Zašto Ne, Gabriele Moreno Locateli 21, 71000 Sarajevo**, Ponude dostaviti u zapečaćenoj omotnici, odvojeno tehnička i finansijska ponuda, sa naznakom „**NADMETANJE PO POZIVU za izradu online platforme za prezentaciju informacija i rezultata praćenja rada javnih institucija, političkih stranaka i javnih zvaničnika u cilju identifikacije potencijalnih korupcijskih rizika**”

Svi ponuđači će biti obavješteni email porukom o primitku ponuda.

Ponude zaprimljene nakon roka neće se uzeti u razmatranje.